



河渠志七

光緒順天府志四十二

河工三

德清傅雲龍纂江陰繆荃孫覆輯

永定河

乾隆八年濬新河疏甿河築埝

總督史貽直奏濬三角淀新河下口以下又光至二光長二千七十六丈七尺面寬八丈底寬四丈深三尺又疏董家河三道河等河口又修新河南岸並鳳河以東隄埝又於河頭邨西至青光西築埝長八百餘丈半截河以下起新莊訖東蕭家莊北埝一道長四十餘里埝外爲固安永清武清東安瀝水地舊有引河洩入鳳河依河形疏穆家口以下至東蕭莊鳳河邊長五千五百七十八丈寬一丈六尺深一尺六寸至三尺有差凡二十里有奇挑河之士卽培北埝用銀六百兩令河兵爲之勸民

川之月示四二  
築曹家務草壩外小埵歲修下口自引河九段出水口至又光  
東南高良河止長一千九百二十六丈連舊河疏面寬八丈底  
寬四丈深三尺

据畿輔  
安瀾志

九年疏注沙淀路築石景山隄壩挑河淤又築大盧家莊滾水壩  
培垞頭曹家務月隄

先是八年十二月總督高斌奏勘永定河下口范甕口統歸沙  
葉兩淀本年汎水歸葉淀者七八歸沙淀者二三應疏注沙淀  
路九年正月工部議如奏行疏下口引河自月旦城套起至閻  
家莊東止長一千六百三十五丈八尺面寬七八丈至十二丈  
底寬五六七八丈至十二丈深二三尺至五尺不等工費支自  
歲修又石景山大石隄工長四百六十三丈起興隆廟北鷄嘴  
壩至大石挑水壩南接砌大石挑水壩並加土隄灰頂於壩尾

砌片石橫隄一道濬石景山天字十九等號淤淺河身長八十

八丈面寬八丈底寬八丈深五尺用銀八千九百六十六兩六

錢四分三釐又培南岸三工坨頭月隄七百五丈五工曹家務

月隄四百五十二丈用銀二千五百三十兩有奇志參永定河

志十十二月協辦大學士吏部尚書劉於義直隸總督高斌

奏為查勘水利初次應舉各工事欽奉諭旨查辦直屬水

利九月十三日會集盧溝橋公同議定先從宛平良涿新雄文

霸等屬淀河一帶至天津保定正定三府共三十餘州縣履勘

所有各屬舊有淀泊河渠與擬開泉渠河道並隄埝涵洞橋閘

等項有關民間利病無礙墳塋沃產應行疏濬開擴收蓄營治

之處悉與司道守令暨地方老民熟籌確訪審水性之強弱地

勢之順逆民心之好惡權以利害之輕重定措施之次第除去  
水稍遠令民人掘井開塘以資灌溉處飭令各府州縣覆議其  
河淀工段撥用役夫及各境內疏消積水溝道例用民力足可  
辦理者毋庸備列與現今勘過地方尚有遺漏工程以及奏辦  
各工臨時尚需籌酌合宜臣等分別應奏應咨陸續補辦所有  
現在應辦各工謹分十二條殊批大學士九卿詳議速奏欽  
此一附近永定南北之舊減河宜並疏歸鳳河以消瀝水也永  
定河北岸自固安十里鋪至葛漁城北坨舊有減河一道長一  
百零三里宣洩京南一帶瀝水並胡林求賢二壩減下之水又

自葛漁城至蕭家莊北坨外小河一道長四十七里接連減河  
 歸入鳳河現在二河淺塞均應展寬深小河偏近坨根應向  
 北開挑所挑之土即加培於隄坨之上又南岸霸州牛眼村至  
 馬家鋪土坨自馬家鋪至龍尾坦坡坨共長五十里其下舊有  
 減河一道分洩永霸一帶瀝水並清涼寺張仙務二壩減下之  
 水今間段淤塞至龍尾以下水無去路查舊河除現在寬深無  
 庸開挑之各段外總計淤塞應挑成河以鳳河為出路俾數十里減  
 以下至鳳河十一里應闢挑成河以鳳河為出路俾數十里減  
 水有所歸宿即將舊河所挑之土加培舊坨將新河所挑之土  
 沿河堆積南岸以障蔽東淀南北兩河既均歸鳳河而永定河  
 入沙淀葉淀之水又全恃鳳河為下口所有鳳河間段淺窄計  
 長十五里應開挑深通則宛平固安霸州永清東安武清各縣  
 瀝水與永定下游俱藉鳳河轉輸入大清河金門閘長安城壩  
 下引河東股自畢家莊歸津水漕長四十九里西股自金門閘  
 石壩至張貴莊歸中亭河長一百三十里均應疏濬通計挑河  
 築坨共約需銀五萬七千九百三十餘兩部覆查永定河北岸  
 自固安十里鋪至葛漁城北坨舊有減河一道宣洩京南一帶  
 瀝水又自葛漁城至蕭家莊北坨小河一道接連減河歸入鳳  
 河今協辦大學士劉於義等既經查勘二河淺塞自應展寬  
 深又霸州牛眼村至龍尾坦坡坨舊有減河應一併開挑其水  
 無去路者別為開濬以鳳河為出路即將舊河所挑之土加培  
 舊坨新河所挑之土沿河堆積均應照議辦理  
 條係陳直隸各州縣水利工程  
 惟第六條議永定河經部議准

大盧莊壩詳下

十年疏求賢邨牛眼邨金門閘各引河又疏下口等處

疏北岸引河起求賢邨草壩至葛漁城西長一萬九千八百丈

連舊河挑面寬一丈五尺至三丈五尺底寬六尺至一丈不等

深六尺葛漁城北埵頭至北埵工尾入鳳河止長八千八百五

十三丈連舊河面寬四丈至四丈五尺不等底寬一丈五尺深

六尺

畿輔安瀾志

用銀一萬五千六百八十四兩八錢三分二釐

永定

河志

又疏牛眼邨引河起舊大隄至接坦坡埵隄頭長九百七

十丈連舊河面寬四丈至四丈七尺底寬二丈深四尺五寸至

五尺不等下截坦坡埵引河長三千九百二十丈連舊河面寬

七丈五六尺至八丈五尺底寬五丈至七丈一二尺深二三尺

至六尺不等接挑引河至鳳河下口止長二千丈連舊河面寬

八丈五尺至九丈底寬五丈五尺深六七尺不等畿輔安瀾志用銀

一萬二千一百三十六兩六錢六分永定河志又疏鳳河下口起

龐家莊橋南至雙口橋南長二千七百丈於東岸展寬舊河面

四丈底一丈九尺深七八尺畿輔安瀾志用銀四千三百六十九兩

八錢一分八釐又疏楊家河三河頭青光蛤蜊等河用銀七千

九百九十五兩永定河志又疏南岸引河一起金門閘一起長安

城草壩二河會流至張貴莊南長二萬三千九百五十一丈八

尺連舊河面寬四丈底寬一丈六尺深三尺畿輔安瀾志按此即永定河志所

謂金門閘西股引河用銀一萬一千四百九十三兩又東股引河裁灣取

直永定河志起牛坨西至楊青口連舊河挑面寬四丈底寬一丈

六尺深三尺畿輔安瀾志用銀三千九十四兩五分六釐據永定河志參采

十一年開盧溝橋南及三角淀引河築壩兩岸加幫歲修下口開引河

先是十年十一月署總督劉於義等以水淤生險請於盧溝橋南天字二十八九兩號開引河長三百一十五丈面寬五丈至十丈底寬三丈六尺深四五尺不等南岸三五六八等工引河五道長一千五百丈北岸四五六工引河三道長九百一十七丈面寬七八丈底寬四五六丈深六七八尺不等並抽挑子河面寬二丈深二尺三角淀起八工尾至鄭家樓引河一道長三百四十八丈面寬九丈五尺底寬五丈深六尺並抽挑子河寬二丈深二尺五寸十一年興工

據畿輔安瀾志

凡三角淀石景山挑河

築壩用銀一萬五千四百七十八兩六錢兩岸加幫工程用銀

三萬三千八百四十三兩八錢一分四釐

永定河志十

歲修三角淀



疏濬下口自閻家莊東南至東北六道口邨後入淀止開引河

長六百七十五丈面寬四五六丈底寬三丈五尺至四丈深二

三四尺不等畿輔安瀾志

十二年修南北岸隄金門閘半截河壩三角淀北埵開引河

修南岸五六下七等工北岸四五六八等工隄根按此即永定河志十所謂

南北岸加幫者是並修金門閘半截河各壩用銀一萬四千四百八十

八兩八錢四分四釐培三角淀北埵用銀一萬二千六百五十

三兩五錢二分二釐永定河志十又三角淀裁灣取直開引河起于

家隄西南至葛漁城東北長一千四百八十丈面寬十丈至十

二丈底寬六七八九丈深二三四尺不等畿輔安瀾志

十三年疏濬鳳河下口及引河築崔營邨壩

先是十二年直隸總督那蘇圖宗人府丞張師載奏於北四工

崔營邨築草壩一鳳河爲全河出水尾閘應疏濬淺狹高斌回  
任再與酌定

硃批是刻不容緩者卽照爾等所議行十三年興工

永定河志十

三角

淀展挖鳳河下口自北埵減水小河以下起至丁家莊南長一  
千一百六十丈西岸面寬七尺一丈至二丈五六尺底寬七尺  
至一丈八尺二丈三尺不等東岸面寬八尺一丈一尺至二丈  
二尺底寬五尺一丈一尺至一丈五尺一丈七尺不等深六尺  
又雙口橋南展寬一千三百丈東岸展挖面寬二丈五尺底寬  
一丈五尺深五尺又起胡家河至蕭家莊西北疏濬引河長四  
百九十四丈六尺面寬四丈六尺底寬一丈六尺至二丈深三  
四尺不等

畿輔安瀾志

所需支自三角淀歲修銀七月那蘇圖奏稱

永定河伏汎疊長六月二十七日石景山長水至三尺六寸南

岸金門閘石壩過水七寸履勘河身有沙嘴中梗溜勢坐灣趨  
閘恐減洩過多於金門迎溜上層做壩挑水

論以挑水壩去之為是開一引河使大溜暢歸河身永定河壩詳續志一

十五年築馬家鋪冰窖壩二修張仙務雙營長安城小惠家莊壩  
四河決南三工堵之疏濬河淤又修大隄月隄

先是十四年十一月方觀承奏請來年就北大隄改移下口

論以明春巡幸霸州即可按行永定親加相度十四年十一月直隸總督方觀承疏

乾隆二年河身自六工下已有高仰之形奉諭旨命大學士鄂爾泰親往詳勘應如何改移開濬修築之處欽商妥議等

因鄂爾泰會同前督臣李衛河臣顧琮議於半截河隄北改挖  
新河即以北隄為南隄另築北岸大隄經部覆准自此岸六工

起迤東築成大隄長三十六里其下有積水侵佔未及完工乾  
隆五年河臣顧琮續請接築北堰與北大隄相連而下然祇係

下口入淀之保障而非為改河之用嗣於兩岸開建滾壩減洩  
盛漲但每歲淤墊益高而六工水流不下近年情形又異為今

之計就舊有之北大隄於六工改移下口使水由地中暢下無阻自是長策臣詳加覆勘祇須稍爲修補即可完固開挖新河以容正溜無須過爲寬深一切濬築事宜計算均無多費惟查北大隄內大小十九村莊計瓦土房九千七百餘間其餘各村應遷者計尙有三千四百餘間墳墓六千三百五十餘穴旗民地畝一千餘頃並多現種麥地照雍正四年郭家務改河舊例應將民房按間給價墳墓給費遷移旗地另籌撥補民地給價除糧但事關數千戶之田廬生計必須先期曉諭是以仍議暫由舊道俟來十五年二月

高宗純皇帝臨視命六工以上南北隄遵

聖視舊規以下南北埝原係水鄉將來改移任其蕩漾不復束以

隄岸

畿輔安瀾志

二十九日

諭直隸總督方觀承曰朕閱永定河培隄取土類在隄外是以近

隄多有坑坎甚屬非宜嗣後總令於河身內取土俾隄增高而河

愈下庶爲一舉兩得但須層方層起不得任挖成坑該督卽傳諭

所屬河員一體遵照辦理又

命大學士公傅恆尙書汪由敦擇地建壩畿輔安瀾志凡築馬家鋪冰

窖東草壩各一修張仙務雙營長安城小惠家莊各舊壩詳下注

五月全河水由南三工第四溝奪溜出刷寬五十二丈逕固安

城下至牛坨循黃家河入津水窪歸一支由牯牛河入中亭河

畿輔安瀾志六月

命工部侍郎三和同督臣堵禦七月又

命按察使玉麟與署河道僧保住在工搶築九月工竣十一月江

南總督高斌直隸總督方觀承會勘將正河淤墊間段疏濬是

年又修兩岸大隄月隄用銀八千五百九十九兩八錢六分四

釐六月直隸總督方觀承疏初六日永定道英廉稟報南岸三工第四道淤溝兩邊埽麻被刷初三初四兩日汕傷隄頭寬

至六七丈等語臣勘新開淤溝汕口在南岸三工宿字第十五號自第十二至十五號舊有放淤溝口五道穿隄各寬四尺內

加護埽後圈月隄長七百丈每於汛前將一二三四道引進渾河爲入水溝由第五道溝徹放清水爲出水溝節年將次淤滿

其一道三道溝於上年冬閉後未開現惟二道四道溝入水五  
道溝出水五月三十日子時河水逼注隄根四道溝埽廂被刷當  
卽汕寬兩邊隄頭各埽丈許二道三道溝同時進水英廉將二  
道五道溝搶閉並將已埽三四道溝希圖一併堵築遂捏稱是夜  
月隄先坍數丈致淤溝通氣掣溜嗣搶築不住本月初三日汕  
寬一十三丈五尺水注月隄同時坍卸三十餘丈英廉初四日  
具稟臣住工督堵初八日下埽四箇尙需十埽卽可合龍溜勢  
全趨汕口正河受淤一百五十餘丈臣帶署涿州參將彭友俊  
到工專管河兵夫役並力挑濬至汕口出水由道溝至固安縣  
西南仍由道溝四十餘里至牝牛東股河卽金門閘引河又四  
十餘里入霸州中亭河漫水四出卽莊多被浸漫固安圍城皆  
水窪處深三四五尺地內水深二三尺不等永清被水村莊六  
十餘處水深二三尺不等畿輔安瀾志侍郎三和同督臣堵  
禦口門下向東另挑引河歸入大河截溜築壩遏水南溢自八  
月初旬迄九月望工竣水歸舊河道總督高斌直隸總督方觀承  
會同工部等奏會議得江南河道總督高斌直隸總督方觀承  
奏稱會勘永定河工自盧溝橋起周迴南北兩岸及下口沙淀  
葉淀北埧等處將隄河埽壩各工履勘妥議永定河夾東長隄  
上下河身淤墊三月內蒙聖駕臨視命大學士公傅  
恆等會勘添建修整各壩工臣方觀承遵旨辦理九月復  
經會議具奏於北岸半截河預籌改移下口以暢就下之勢今  
臣等復查入工以下之沙淀葉淀一帶北埧包束寬廣埧外亦  
復地闊邨稀現在以及將來儘堪容蓄泥沙如將正河淤墊之  
處間段挑濬使之暢達水有正道自必順軌而趨不致上壅下

溢若照前議卽行改移下口其在六工以上之河身亦須挑挖  
 通暢今若並七八工之河身一律挑濬使仍由八工歸淀其南  
 岸上七工之五道口舊壩修整有此四壩並資宣洩南岸之外  
 有南坦坡埝北岸之外有北隄專達則正河本通合計則下口  
 甚廣臣等率同永定河道及廳汛各員擬將河身自三工至八  
 工間段疏濬去其淤梗加長寬深今秋所抽河槽再加挑拓遇  
 有兜灣酌量裁直共約估需銀一萬五千餘兩仍俟明年春夏  
 交桑乾涸時各工多募民夫趲挑春水到時爲止其入工以下  
 河水出口散漫處挑河二道一直達淀自葛漁城以上自西轉  
 北而東聽其蕩漾停淤現在卽交該廳照式於歲修項下辦理  
 又北埝長四十八里爲下口全淀保障今歲雨水過多隨風漫刷  
 水漲北運河橫潦及東安瀝水悉聚於此埝之東段隨風漫刷  
 坳缺甚多亟宜培修約估需銀九千三百餘兩又南北兩岸石  
 草各壩南岸三工長安城草壩雖於本年將坑窪修築平整而  
 夏秋過水至尺餘未免過多於金門加築灰脊一道高三尺以  
 資節宣又北岸下七工五道口草壩已經八年多被冲刷應加  
 修築二壩共需銀一千八百餘兩其餘各壩如有溜勢移近過  
 水大猛等情形應暫爲圈閉者俱隨時辦理又南北兩岸各工  
 隄身風雨殘缺卑薄漏水並月隄土埝等項均應修補幫築共  
 約估需土方銀八千三百餘兩通共挑河葺壩修築隄埝等工  
 約需銀二萬四千四百餘兩仰遵 聖訓及時修濬卽遇漲漫  
 亦隨中泓之汎溜順下直趨徑出入工下口而三角淀之引河  
 接連通暢散漫入淀容蓄有餘今兩隄加築之子埝已成現令  
 將間段合縫處通身接連則漲水雖一時有上隄之險亦可無

虞旁溢等因查本年三月直隸總督方觀承欽遵聖訓奏

請於南岸上七工添建水草壩二座並修整南北兩岸舊草壩

四座聲明今年汛後查看情形於北六工改移下口等因蒙

皇上以高斌向會兼理示定河道總督欽命會勘永定

河工今據詳勘議奏應如所奏辦理至奏稱明年春夏時將

三工以下河身趨挑入工以下河水出口散漫處挑河二道一

直達淀自葛漁城上下自西轉北而東聽其蕩漾停淤又南岸

隄身加築子埧現令將段落合縫處通身接連則漲水無虞旁

濫等語亦應如所奏於歲修項下動撥辦理

五年十一月大學士公傳恆等疏永定河下口東阻北運南臨

東淀自入工以下渾流散漫於葉淀沙淀周迴數十里沙澄河

清然後由鳳河入大清河出西沽會北運子牙至三汊河會南

運同入海河原因渾河善淤不能令散漫直入海河為導河入

工尾挑接長河一道夾築兩隄不令散漫直入海河為導河入

海之上策臣等於十一十二日帶同河道白鍾山天津道

宋宗元知府熊鐸祖及各廳汛弁等員自入工下口葛漁城北

埧由各莊過鳳河至北運河東岸北倉前後周迴覆勘永定

河自入工尾直向東南徑入海河就下勢順惟穿過北運必須

將北運河尾改移另入海河查北倉迤北二里許地方寬闊可

以挑河一道夾築內隄直向東南至大直沽入海河計長四十

五里再查北倉迤南約四里許穆家莊之北空闊之處可為永

定河經由之路東南至田家莊入海河計自入工尾至此長八

十五里再查永定河既以兩隄夾束徑入海河其鳳河亦應改

入北運河自龐各莊至桃花口之上空闊之處可為鳳河改入



北運之路計長十五里以上挑河築隄各土方並建壩等費估銀九十餘萬兩再三詳籌熟慮恐工力難施而北運河改移東下漕運糧艘多行海河二十餘里亦屬未便再於海河北岸沿行察看其情形稍覺寬闊但未甚懸殊誠恐海河四時潮汛各別有大小緩急之不同實難保

承定河淤沙至此必無淤墊之患  
十六年下口改移冰窖開王慶坨引河培南坦坡埝兩岸隄埝濬淤修長安城壩三角淀北埝東老隄開倒勾引河四

二月凌汛水發全河奔注冰窖隄口尙書舒赫德河東總河顧琮江南總河高斌戶部侍郎汪由敦先後奉

命勘請因勢利導改移下口由冰窖草壩東開寬五十丈出水於王慶坨南開引河長四千三百二十七丈五尺面寬六丈底寬四丈深二三四五尺不等導經流入葉淀仍由鳳河入大清河

又培南坦坡埝共需銀二萬五千三百十五兩八錢四分

據畿輔安瀾志參承定河志十及二十四以坦坡埝為南埝北隄為北埝  
承定河志五由冰窖草壩改河